

*Presentación do Premio Victoriano Taibo 2016 (2)*

---

**Carlos Solla**

## Co gallo da presentación en Pontevedra d'A relixión do mar de Xosé Iglesias (Libraría Paz, 26-5-2017).

Calros Solla

O Sr. Paco dos Praseres, mariñeiro retirado, taxista retirado, taberneiro retirado, daquela, home sabio entre os sabios; patrón áinda hoxe dun chiringuito asul seleste fondeado hai corenta anos nas areas de Mogor, díxome un día, enchendo a cangrexía do peito, que a súa nai pobriña o parira descalsiño no fondo do mar.

Atendo decote a conversa do Sr. Paco, criatura anfibia, setáseo en extensión; mírolle en fite prós ollos asul selestes e asómome sen peitoril ao abismo do Deep Challenger, na fondeira do Pasífico. O falar do Sr. Paco faime sentir xemelgho no seu antípoda.

*Si o vello Sinbad volvese ás illas*, Al-Faris Ibn Iaquim Al Galizí relataría polo miúdo historias de leviatáns e de sereas cantoras, historias de naufraxios e de redes ao cope, historias de raqueiros e caiúcicos, e de piratas con patente de corso.

Miro en fite prós ollos de Xosé Iglesias Lamela, mariñeiro en activo, poeta en activo, sidadán en activo, e o sonar reflicte o eco dun ser humano feito a si mesmo, curtido na febre dos caladoiros, abensoado, asemade, coa inspiración da misteriosa ardora, co chío-pranto das ghaivotas. A escrita de Xosé, mariñeiro da Ghalisa, faime sentir xemelgho no seu antípoda.

Benvido a porto, Xosé Iglesias, poeta-navegante, navegante-poeta; benvido ao peirao da Moureira. Ao abrigo do mar de Pontevedra, abarloaches o teu *pailebote branco* a par das naos de Colón e Paio Gomes Charinho, a carón dos ghaleóns de Sarmento de Gamboa e de Benito Soto, a son da dorna de anónimo vai e vén.

Amarraches a deus nun norai de esperansa e aghora, home xeneroso, has partillar connosco o teu quiñón ben ghañado. Que ninghén ouse disir que o peixe é caro, mais teñan conta das espíñas.

Benvido, chimán!, oh meu chimán!; xa sopra na arroufía o rorcual místico que anunsia a túa venturosa arribada.

Creo, creo, creo no mar que nos alimenta e nos esfola, que nos expande e nos achica, que nos enxendra e amortalla. En sinal de reverensia, role a miña cabesa tallada do corpo; role polo varadoiro abajo até bicar a tona da maré.

Teño fe nos mariñeiros bos, nos pescadores de almas, nos demiúrxicos mareantes que multiplican os peixes para faser da nesesidade fartura. Creo no seu credo.

*Hai peixe, hai peixe!!*

A diario, póxanse nas lonxas do fresco os nosos despoxos, o que de nós rexeitarían mesmo os cans. Así e todo, das miudansas porfiamos na construsión dunha patria, cadera mestra do noso ser multiplicado. *Calquera patria é nosa ante a porta que colapsa as agullas*.

E de norte ou de sur, a bonansa ou a temporal, aproamos os camiños da vida, apeitamos na amura de babor e na de estribor a inclemente singradura; ora na verea que nos leva ao cumio, ora no traso certo da derrota.

Deixamos atrás o conforto da terra firme e entrehámmonos ao chou dos meteoros. O ronsel dos proscritos é unha estrela fatua e, dende a cofa, abesullamos o horizonte na procura do peixe noso de cada día, porque *sen peixe non hai retorno*.

Non nos entende quen nos desgħoberna, quen nos encaia o temón, quen nos embafa a bitácora, quen nos abandona á deriva, á nosa sorte, nun oséano ateighado de

quenllas. Quixen ser o persebeiro do teu corpo acantilado, apañar a mans cheas os asios do chope, xoghar ás aghachadas co lobo da rompente. Envolveume o mar. A merghullo, respiramos pola ferida.

*Medra a flor na bitácora das soidades*, tan só as 32 pughas ferintes dunha rosa irta de pétales desnortados. Tan só a soidade: *o barco e mais nós*.

*Patria de cadaleitos*, na nosa carta de naveghación, paralelos e meridianos tesen e destesen unha arañeira intanxíbel. A parca é a suprema redeira, a viúva de todos.

Quixen fuxir de min, e xacando construín un barco destinado ao afundimento. Cando se espreghisa a ghalerna, o meu espiñaso renxe e rincha coma carro do país, abatida osamenta de estaleiro. *Construir un barco é tallar na árbore a historia dun pobo*. Acumularon os séculos tanta obra morta...

Quixen fuxir de min, e á navalla labrei unha arca de dioivo. Enchín a adegħa *con anacos do meu interior*, enroleinos de dous en dous, estibeinos, e investido capitán e polisón, craveime de mans e pés ao pau maior para ir ao fondo co aparello.

Quixemos fuxir de nós, e o mar nas medras rescatou a nosa inersia. Acordamos Robinsons no dourado areal dunha illa inédita, bicados pola escuma e agharimados por un sol equinocial. Estamos vivos, meu chimán; oh meu chimán!! Convertémonos á túa relixión de esforso e vixilia, á túa doutrina de solpores adoesidos. O noso espírito, pasado pola quilla, arela fasense ao mar novamente.

*Sempre deixamos todo pola popa. E nós, avante!! Sempre avante!!*

Que o destino vos bendigha:

Proa	
Babor	Estribor
Popa	

Norte	
Oeste	Leste
Sur	